



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Alexandro VII. Ad Clementem X.

Luxemburgi, MDCCXLII.

XCVII. Declarat Alumnos Collegiorum Apostolicorum non ad triennium tantum, sed perpetuò quoad vixerint Sedis Apostolicæ servitio adstrictos esse, & dat formam Juramenti.

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

rantia, idem Sanctissimus mandavit sub eisdem pœnis, ipso pariter facto incurrendis, ut supra reservatis; ut superiores omnes præfati in quocumque loco, Conventu, vel Collegio sui Ordinis, Decretum hoc semel saltem singulis annis Kalendis Martii in publica mensa, vel aliâ in Capitulo ad hoc specialiter convocato, legi curent una cum aliis Decretis, & Constitutionibus Apostolicis ad Sanctum Officium Inquisitionis adversus hæreticam pravitatem pertinentibus quotannis, legi solitis, juxta Decretum fel. record. Urbani VIII. Et insuper iidem superiores teneantur curare, & efficere, ut hujus Decreti exempla aliquo in loco apud eos publico assignentur, & affixa conserventur, itaut ab iisdem subditis Religiosis omnibus videri, ac legi commode queant. Deque hujusmodi lectione, & commotione publico documento ab iisdem superioribus Conventus, vel Domus subscripto, unaque ab aliis duobus Religiosis ejusdem Domus, vel Conventus statim certiorum facere Congregationem Sanctissimæ Inquisitionis in Urbe, vel locorum Inquisitores ubi sunt. Statuitque præterea Decretum hoc, seu illius exemplum ad valvas Basilicæ Principis Apostolorum de Urbe, & in acie Campi Floræ affixum, omnes ubique existentes arcere, & afficere, ac si unicuique personaliter fuisset intimatum.

Joannes Lupus S. Romana, & Universalis Inquisitionis Notarius.

Anno à Nativitate Domini Nostri Jesu Christi millesimo sexcentesimo sexagesimo, Indictione decima tertia, die vero vigesima quarta Mensis Augusti Pontificatus autem Sanctissimi in Christo Patris, & D. N. D. Alexandri Divina providentia Papæ Septimi anno ejus sexto, suprascriptum Decretum affixum, & publicatum fuit ad valvas Basilicæ S. Petri de Urbe, necnon ad valvas Palatii S. Inquisitionis, ac in Acie Campi Floræ, ut moris est per me Hieronymum Mascellam ejusdem Sanctissimi D. Nostri Papæ, & Sanctissimæ Inquisitionis Curæ.

XCVII.

Declarat Alumnos Collegiorum Apostolicorum non ad triennium tantum, sed perpetuò quoad vixerint Sedis Apostolicæ servitio adstrictos esse, & dat formam Juramenti.

Alumnos Seminariorum piè, & efficaciter ad virtutum, ac literarum vehementem studium cohortatus est Clem. VIII. Constit. 9. tom. 3. de Alumnis Collegiorum Apostolicorum per multa invenies in Repertorio, verbo Alumnus.

ALEXANDER PAPA VII.

Ad futuram rei memoriam.

CUM circa juramenti vinculum, quo Pontificiorum Collegiorum Alumni Sedis Apostolicæ (à qua maximis sumptibus educantur) servitio repèriuntur adstricti variè fuerint hucusque à nonnullis excogitatæ interpretationes, quibus ejusdem Sedis in hoc eludatur intentio, & Dei gloriæ, ac servitio, cui hujusmodi institutum dirigitur, non minimum detrahatur.

§. 1. Nos opportunè hac in re providere cupientes, de nonnullorum Venerabilium fratrum nostrorum Sanctæ Romanæ Ecclesiæ Cardinalium negotiis propagandæ fidei præpositorum super hoc à Nobis specialiter deputatorum, qui rem diligenter, & maturè discussissent, consilio, ac inhærendo decretis aliâs circa prædicti juramenti Formulam emanatis, eaque, quatenus opus sit, innovando, auctoritate Apostolica tenore præ-

sentium declaramus, prædictos Alumnos non ad triennium tantum, ut gratis aliqui interpretantur, sed perpetuò, quoad vixerint in quocumque statu permanerint; Sedis prædictæ servitio fuisse hæcenus, & futuros in posterum adstrictos, ut aliâs, & signanter die VII. Augusti 1645. à fel. rec. Innocentio Papa X. Prædecessore nostro fuit declaratum; hujusmodi autem servitio minimè satisfacturos, etiam si in salutem animarum operam suam quoquomodo impendant, nisi illud ad præscriptum Sedis Apostolicæ expleverint.

§. 2. Præterea si contingat aliquem ipsorum incorrigibilitatis, vel malæ valerudinis, aut aliâ qualibet ex causa à Collegiis ejici, aut sponte sua quâcumque discedere, etiam si nondum completis studiis, aut sacris Ordinibus fuerit initiatus, non idcirco censendum à juramento ulla ex parte solutum; tam circa servitium præstandum in Missionibus, quam circa prohibitionem ingrediendi Religionem, imò ne hoc, vel alio quovis prætextu dictæ Sedis mens forsan eludatur prohibemus, ne etiam elapso triennio quovis tempore possit quilibet Alumnus ad Religionem admitti, nisi de expressa nostra, seu Romani Pontificis pro tempore existentis, vel Congregationis Venerabilium Fratrum nostrorum ejusdem Sanctæ Romanæ Ecclesiæ Cardinalium negotiis propagandæ fidei præpositorum in scriptis habenda licentia, sub pœna nullitatis professionis ipso jure, si aliter fuerint ingressi, & quod ab eadem Cardinalium Congregatione non obstante professione ad primæum statum revocari possint.

§. 3. Insuper declaramus, quòd concessa Alumnis, ut supra, licentia ingrediendi Religionem, non idcirco censendi sunt à juramento absoluti ex præsumpto tacito consensu, eò quod prædicta Congregatio illorum opera forsan non uteretur: Ad hæc nullo pacto licere Alumnis contra formam juramenti, vel Religionem ingredi, vel alteri statui perpetuò se addicere, eo sub prætextu, quod quilibet teneatur, sibi ipsi ratione aliqua stabili consulere; eò quod hæc Sancta Sedes Alumnis, postquam fuerint dimissi, non provideat; Cum memorata Congregatio neminem ex iis, qui ad Missionis titulum ordinati sunt, quive suo Instituto pro viribus incumbunt, consueverit unquam destituere: quod si secus aliquando forsan contingat, hoc eorum culpæ adscribendum est, qui postquam fuerint dimissi ejusdem Sanctæ Sedis, à qua enutriti fuerunt, ac ejus, quod professi sunt, Instituto prorsus oblitii de se, suoque statu eandem monere negligunt omninò.

§. 4. Quia verò, ut præfertur, non desunt aliqui, cui non intelligentes gravitatem muneris Sacerdotum Sæcularium ad Missiones Apostolicas admisorum, quidvè sanctæ Fidei propagationi, & universalis Ecclesiæ bono, attenta præsertim temporum, ac rerum circumstantia, magis conducatur, audeant adhuc asserere hujusmodi juramentum in ea parte, quâ cujuscumque Religionis ingressum prohibet, invalidum omninò esse, tanquam impedimentum majoris boni, eoque prætextu excusationem suæ contumaciæ obtinentes, juramentum quoad hanc partem negligere præsumant: Nos volentes deinceps hujusmodi ausui opportune occurrere, eosque qui contraire præsumperint, ad statum, cui ex prædicto juramento repèriuntur obstricti, revocare; præcipimus omnibus Alumnis, ut postquam è suis Collegiis, vel sponte egressi, vel dimissi fuerint, sive in statu, & habitu sæculari permanerint, etiam si in Sacris non fuerint, sive etiam postquam alicui Religioni fuerint adscripti donec vixerint, quolibet anno, si intra fines Europæ fuerint, vel si extra, quolibet biennio, de se, suoque statu, & loco ubi maneant, & quibus studiis, & exercitiis operam navent, per literas prædictam

Congre-

Congregationem certiorerit; literas autem hujusmodi viciniori Sedis Apostolicæ Nuncio transmittere, atque etiam eò usque iterare teneantur, donec per ejsdem epistolam certi fiant, quod ad ipsum pervenerint.

§. 5. Utque id omninò observetur, præcipimus, ut juramento ab eisdem Alumnis præstando addatur infra scripta clausula: *Item voveo, & juro, quod sive Religionem ingressus fuero, sive in statu seculari permansero, si intra fines Europe fuero quolibet anno, si verò extra, quolibet biennio, mei ipsius, meique status, & exercitii, & loci ubi moram traxero, Sacram Congregationem de propaganda fide certiorabo.* Præcipimus itidem quòd idipsum præsentent eorum Superiores Regulares quoad eos, qui Religionem fuerint ingressi. Præfectis verò Missionum Sacerdotum secularium injungimus sub pœna suspensionis à Divinis ipso facto incurrendæ, ut quolibet anno diligenter perquirant de statu singulorum, qui fuerunt Alumni, & ad eam Missionem, vel ratione originis, vel nationis, aut alio quovis modo pertinent, sive Religionem fuerint ingressi, sive non, deque ipsis, eorumque statu, exercitiis, ac locis eandem Congregationem omnino moneant. Præterea præcipimus præsentent literas ad singula Collegia transmitti eorum Superioribus injungentes, ut ad amissim illas observari curent, expostulæque habeant in loco parenti, singulisque obvio, ne ullo tempore illarum ignorantia à quopiam prætendi possit; & ut quovis anno in publico Refectorio bis legantur, nimirum prima Dominica Januarii, & prima Junii, necnon etiam immediatè ante præstationem juramenti clara voce; Alumnis mox juraturis legantur, ac ne quis ab earum executione excusari valeat ipsius juramenti formulæ eam, quæ sequitur, clausulam superaddi mandamus. *Denique voveo, & juro, me prædictum juramentum, ejusque obligationem intelligere, & observaturum juxta declarationes factas à Sacra Congregatione de propaganda fide, & Brevis Apostolice roboratas sub die 20. Julii 1660.*

§. 6. Quia vero in tanto Alumnorum numero quos hæc Sancta Sedes ad fidei ministerium maximis sumptibus enutrit, ac instruit, quotidiana experientia comperitur ex defectu hujusmodi Ministrorum opus Dei multoties prætermitti, & quod maximè dolendum est, plurimas Regiones, quæ albæ sunt ad messem ea de causa miserè deperire; districte præcipimus Superioribus Collegiorum sub pœna suspensionis ipso facto incurrendæ, ut quolibet vice nomina singulorum, qui ad Collegium admittuntur, necnon eorum, qui dimittuntur, vel sua sponte recedunt, statim ipsimet Congregationi prædictæ, vel ipsius Secretario transmittant expressis singulorum ætate, patria, studiis, ordinibus, habilitate, ac locis, ad quæ diriguntur, quove die juramentum præstiterint, ut in Actis ejsdem Congregationis redigi possit. Injungentes Alumnis sub pœna ejectionis à Collegio, ne juramenti præstationem ultra ætatem in decreto rec. mem. Urbani Papæ VIII. prædecessoris nostri die 24. Novembris 1625. præscriptam differant; Superioribus verò sub eadem pœna suspensionis ne ullam hac in re dilationem permittant, nisi ex gravi causa per ipsammet Congregationem supradictam Romæ, extra verò per Nuncios Apostolicos in scriptis approbanda.

§. 7. Demum districte prohibemus, ut nullus omninò cujusvis dignitatis, & conditionis extiterit, audeat prædictum juramentum, ac præsentent literas, seu declarationes tam in totum, quàm secundum singulas sui partes declarare, aut interpretari, sed si quid forsan dubitari contigerit, teneatur eandem Sanctam Sedem consulere, ab eaque responsum in scriptis expectare, sub pœna violationis juramenti, si secus facere præsumperit.

§. 8. Decernentes eandem præsentent literas, &

in eis contenta quæcumque, etiam ex eo quod quilibet, etiam speciali mentione digni, in præmissis interesse habentes, seu habere quomodolibet prætendentes, ad ea vocati, & auditi non fuerint, nullo unquam tempore de subreptionis, vel obreptionis, aut nullitatis vitio, vel intentionis nostræ, aut interesse habentium consensus, aliove quolibet quantumvis magno, & substantiali defectu notari, impugnari, invalidari, infringi, retractari, aut in controversiam revocari, seu ad terminos juris reduci posse; sed ipsas præsentent semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab illis ad quos spectat, & pro tempore spectabit, inviolabiliter observari; Sicque & non aliter in præmissis per quoscumque Judices ordinarios, & delegatos etiam Causarum Palatii Apostolice Auditorios, ac ejsdem S. R. E. Cardinales, etiam de latere Legatos, & Sedis prædictæ Nuncios, aliove quolibet quavis auctoritate, & potestate fungentes, & functionarios, sublata eis, & eorum cuilibet quavis aliter judicandi, & interpretandi facultate, & auctoritate judicari, & diffiniri debere, ac irritum, & inane si secus super his à quoquam quavis auctoritate scienter, vel ignoranter contigerit attentari.

§. 9. Non obstant. præmissis, ac Constitutionibus, & ordinationibus Apostolicis, necnon memoratorum Collegiorum, & aliis quibusvis etiam juramento confirmatione Apostolica, vel quavis firmitate alia roboratis statutis, & consuetudinibus, privilegiis quoque indultis, & literis Apostolicis sub quibuscumque verborum tenoribus, & formis, ac cum quibusvis etiam derogatoriis derogatoriis, aliisque efficacioribus, efficacissimis, & insolitis clausulis, irritantibusque, & aliis Decretis in genere, vel in specie, ac aliis in contrarium quomodolibet concessis, confirmatis, & innovatis. Quibus omnibus, & singulis etiam pro illorum sufficienti derogatione, de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quævis alia expressio habenda, aut aliqua alia exquisita forma servanda foret, tenores hujusmodi pro plenè, & sufficienter expressis habentes, illis aliàs in suo robore permanens ad præmissorum effectum hac vice dumtaxat specialiter, & expressè derogamus, cæterisque contrariis quibuscumque.

§. 10. Volumus autem, ut eorumdem præsententium transumptis, etiam impressis, manu Secretarii prædictæ Congregationis, vel Notarii publici subscriptis, & sigillo ejsdem Congregationis, vel alicujus personæ in dignitate Ecclesiastica constitutæ munitis, eadem prorsus fides in iudicio, & extra adhibeatur, quæ præsentibus ipsis adhiberetur, si forent exhibitæ, vel ostensæ.

Datum Romæ apud Sanctam Mariam Majorem sub Anno Piscatoris, die 20. Julii 1660. Pontificatus Nostri Anno sexto.

Formula Juramenti ad præscriptum superioris Brevis præstandi à quolibet Alumno Collegiorum Pontificiorum.

EGO N. Filius N. Diocesis N. plenam habens Instituti hujus Collegii notitiam Legibus, & Constitutionibus ipsius, quas juxta Superiorum explicationem amplector, me spontè subjicio, eaque pro posse observare promitto.

Insper spondeo, & juro, quod dum in hoc Collegio permanebo, & postquam ab eo quocumque modo sive completis, sive non completis studiis exiero, nullam Religionem, Societatem, aut Congregationem Regularem sine speciali Sedis Apostolicæ licentia, vel Sacra Congregationis de Propa-

ganda

Decretum irritans.

Contrariis derogat.

Dat. P. An. 6 die 20. Julii

ganda fide ingrediār, neque in earum aliquam professionem emittam.

Spondeo pariter, & juro, quod volente Sacra Congregatione de propaganda fide Statum Ecclesiasticum amplectar, & ad omnes Sacros, etiam Presbyteratus Ordines, cum Superioribus visum fuerit promovebor.

Item voveo, & juro, quod si ve Religionem ingressus fuero, si ve in statu seculari permansero, si intra fines Europæ fuero, quolibet anno, si vero extra, quolibet biennio, mei ipsius, meique status exercitii, & loci, ubi moram traxero, Sacram Congregationem de propaganda fide certiorabo.

Voveo propterea, & juro, quod jussu prædictæ Congregationis de propaganda fide sine mora, in Provinciam meam revertar, ut ibi perpetuo in Divinis administrandis labore meum, ac operam pro salute animarum impendam, quod etiam præstabo, si cum prædictæ Sedis licentia Religionem, Societatem, aut Congregationem Regularem ingressus fuero, & in earum aliquam professionem emisero.

Denique voveo, & juro, me prædictum juramentum, ejusque obligationem intelligere, & observaturum juxta declarationes factas à Sacra Congregatione de propaganda fide, & Brevis Apostolice roboratas sub die 20. Julii 1660. Sic me Deus adjuvet, & hæc Sancta Dei Evangelia.

Hæc eadem Formula servanda erit pro Alumnis Collegii Urbani de Propaganda fide, & Collegii Gregoriorum Urbis, additis tamen clausulis, quæ propriis eorumdem Collegiorum Institutis peculiariter sunt juxta Formulas hæcenus servatas.

XCVIII.

Confirmatio primi Brevis Provinciae Beati Petri de Alcantara Ordinis Sancti Francisci Patrum Discalceatorum in Hispania, cum electione Ministri Provincialis, & Diffinitorum ipsius Provinciae à Sanctissimo facta.

Vide ad Constit. 69. hujus Pont. Sacrosancti, quæ est erectio hujus Provinciae.

Edita An. D. 1669.

ALEXANDER PAPA VII.

Ad futuram rei memoriam.

Supplicatio.

Alia Nos charissimi in Christo filii nostri Philippi Hispaniarum Regis Catholici supplicationibus Nobis humiliter porrectis inclinari, Provinciam Sancti Joannis Baptistæ Fratrum Discalceatorum nuncupatorum Ordinis Minorum Sancti Francisci de Observantia in Regnis Valentia, Murcia, & Granatæ consistentem in duas, unam scilicet quæ nomen Provinciae Sancti Joannis Baptistæ retinere deberet, & alteram de novo erectam, & Beati Petri de Alcantara nuncupandam Provinciam, sub certis modo, & forma tunc expressis auctoritate Apostolica divisimus, ac inter alia volumus, ut in Capitulo Provinciali, in quo Præses ipsiusmet Capituli ad novam electionem præsideret, vel etiam in Congregatione more Capituli Provincialis ad hunc effectum habenda, & celebranda pro tempore, & loco ab ipso Ministro Provinciali Provinciae Sancti Joannis Baptistæ præscriptis, convocatisque per ipsum Diffinitoribus, & Fratribus, cunctisque omnium locorum, seu Conventuum ipsius Provinciae Guardianis, ex omnibus ejus Fratribus, hoc est de toto corpore Provinciae unus illorum in Ministrum Provinciale, Diffinitores, & Guardianos per vota secreta ad præscriptum Sacri Concilii Tridentini, & deinde ex corpore Congregationis solummodo quatuor Diffinitores, & Custos servatis servandis, & prout in hujusmodi Capitulis Pro-

Confirmatio primi Brevis.

vincialibus moris est, eligerentur, quos omnes, scilicet Ministrum Provinciale, Diffinitores, & Custodem postquam electi fuissent, idem Minister Provincialis Sancti Joannis Baptistæ, seu Præses Capituli Apostolica auctoritate confirmaret, & alias prout in nostris in simili forma Brevis literis die 4. Augusti 1659. desuper expeditis, quarum tenorem præsentibus pro plenè, & sufficienter expresso, & verbatim inserto haberi volumus uberius continetur.

§. 1. Cum autem sicut Nobis nuper relatum fuit prædicti Minister Provincialis, & Vocales voluntatem nostram hujusmodi executioni demandare non curaverint, nec curent. Hinc est, quod Nos prospero, felicique regimini, & gubernio prædictæ noviter erectæ Provinciae Beati Petri de Alcantara, & commissi Nobis cælitus pastoralis officii debito providere volentes, ac de infra nominatorum dicti Ordinis Fratrum expressè professorum charitate, prudentia, industria, idoneitate, Religionis zelo, aliisque meritis plurimum in Domino confisi, & eorum singulares personas à quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis à jure, vel ab homine quavis occasione, vel causa latis, si quibus quomodolibet innodata existunt, ad effectum præsentium dumtaxat consequendum, harum serie absolventes, & absolutas fore censentes.

§. 2. Motu proprio, ac ex certa scientia, & matura deliberatione nostris, deque Apostolicæ potestatis plenitudine dilectos filios Franciscum Morales in Ministrum Provinciale, ac Christophorum Laurentium in Custodem, necnon Didacum Fernandes in primum, Bernardum Morales in secundum, Franciscum de Estevan in tertium, & Alphonsum de Segura Fratres Ordinis prædicti in quartum Diffinitores dictæ novæ Provinciae Beati Petri de Alcantara respectivè ad tempus quo aliarum Provinciarum dicti Ordinis Ministri Provinciales, Custodes, & Diffinitores juxta regularia ejusdem Ordinis instituta Apostolica auctoritate confirmata in suis officii durare consueverunt, tenore præsentium constituimus, & deputamus.

§. 3. Mandantes propterea in virtute sanctæ Obedientia, ac sub indignationis nostræ, aliisque arbitrii nostri pœnis, omnibus, & singulis memoratæ Provinciae Beati Petri de Alcantara Superioribus, Fratribus, & personis, cæterisque ad quos quomodolibet spectat, & spectabit in futurum, ut supra nominatos Fratres ad officia eis respectivè per præsentem demandata recipiant, & admittant, illosque recognoscant, ac eis in omnibus officia hujusmodi concernentibus pareant, & obediant, ac saveant, & assistant respectivè.

§. 4. Ac decernentes easdem præsentem literas firmas, validas, & efficaces existere, & fore, suosque plenarios, & integros effectus sortiri, & obtinere, ac supranominatis Fratribus plenissimè suffragari, & ab illis, ad quos spectat, & spectabit, in futurum inviolabiliter observari. Sicque in præmissis per quoscunque Judices ordinarios, & delegatos etiam causarum Palatii Apostolici Auditores judicari, & definiti debere, ac irritum, & inane si secus super his à quoquam quavis auctoritate, scienter, vel ignoranter contigerit attentari.

§. 5. Non obstantibus præmissis, ac Constitutionibus, & ordinationibus Apostolicis, necnon quatenus opus sit prædicti Ordinis, ejusque Provinciarum, & Conventuum quorumcumque, & aliis quibusvis etiam juramento, confirmatione Apostolica, vel alia quavis firmitate roboratis, statutis, & consuetudinibus, privilegiis quoque, indultis, & Literis Apostolicis in contrarium præmissorum quomodolibet concessis, confirmatis, &

innovatis.

Eligit Patres Dehutorii.

Præceptum de observan.

Decretum irritans.

Contrarius derogat.